

БИ ЖОЛООДОХОБ

Үүдэнэй хонхо жэнгиржэ, наадажа хууһан Булад пэшэгэнэсэ гүйжэ ошон, үүдэ нээгээд, үндэр хүн ерээ ёһотой гэжэ өөдөө хараха гэжэ байтарынь, өөрын тухай бзетэй буржагархан шара толгойтой Юрэнэ байба. Хүбүүд наадажа ороно. Тиигэжэ байтараа, нааданхайнуудтаа һонёо бууража, стулнуудаар машина хэжэ наадаябди гэжэ хэлсэбэ. Тиигээд гэр соохи стулнуудые бултыень суглуулаад хэбтүүлнэ, ябтална. Машина гэшэ гэжэ, гэр соогуур дүүрэн түршэгэнэсэ түлхинэ.

– Тот стул плиниси,– гэжэ Буладынь Юрэдээ ородоор хашхарна.

Тиигээд өөрөө нэгэ стул уухилтараа түлхижэ ябатараа, сонхын нээлгэтэй байһые обёоржорхибо. Тэрэ стулаа түлхиһөөр түлхижэ, сонходо абаашаад, абиржа дээрэнэ гарана.

Пүнхэгэр шара автобус харажархёод, түрүүшынхиеэ хараһандал “Агтобус”, “агтобус” гэжэ хүхирнэ. Мүн баһа үйлсэдэ уһа адхажа ябаһан машиные хараад, “болоо олуулба, болоо олуулба” гэжэ, тэрээн тээшэ морхигорхон жаахан долёобор хургаараа заажа байжа, ехэл хүхинэ. Нүхэрэйнгөө хүхихэдэ, Юра түлхижэ ябаһан стулаа орхижорхёод, сонходо гүйжэ ошоно.

– Муха, юун гэнэбши даа? – гэжэ хүгшэн эжынь өөрынгөө таһалгаһаа тулгаараа тулаһаар гараад, нээлтэтэй сонхо дээрэ хуужа байһан Буладые харажархин гэхэдээ:

– Ай, бурхан зайлуул. Үгы, буугыц, унахань гэшэл,– гэжэ хүлэйнгөө үбшэниешье мартан, хүбүүд тээшэ мэгдэн даб гэнэ.

– Юрэдөө, сонхоёо хаахаяа юундэшье мартана гэшэб,– гэжэ мүн баһа бэриез, Буладай эжые, аман соогоо дуугаран зэмэлнэ.

Юра Булад хоёр стулнуудаараа машина хэжэ наадажа байтараа, Юрань стул дээрэһээ унашаба. “Стулнуудаар

юундэ наадагшабта” – гэжэ хүгшэн эжыдээ зэмэлүүлхэнээ Булад айжа:

— Бү балхилыш даа,— гэжэ байтараа ородоор,— не плашь, лядно,— гэн, ехэ гэмтэй нюдөөр нүхэрөө хаража аргадана, хасарыень дүрэгүй энеэдэтэйхэнээр эльбэнэ. Тиихэдэнь Юра гансата абяагүй боложо, хүбүүд бүри хүхюутэйгээр наадажа оробо.

Гүйлдэжэ ябажа нааданхайнуудаа стулнууд дээрээ обоолно. Обоолжо дууһаад:

– Булад, ты садись. Я буду водить, – гэнэ Юрань.

– Үгы. Би жолоодохоб.

Модон нэлмээз Булад стулнуудай забһар руу хэжэ, тас-тус гүүлэнэ. Удаань стул дээрээ гаража, “бииб... бииб... бииб...” гэжэ хүхиржэ оробо.